


27-5-39

নিউথিয়েটার্ভ নবনিবেদন

স্বাপ্নভে





নিউ থিয়েটার্সের

নব-নিবেদন



১৭২, ধর্মতলা ষ্ট্রীট, নিউ থিয়েটারসের পক্ষ হইতে শ্রীস্বধীরেন্দ্র সান্যাল কর্তৃক
সম্পাদিত ও প্রকাশিত।

শ্রীসত্যরঞ্জন মুখোপাধ্যায় কর্তৃক ৮-১ডি রসারোড, কলিকাতা
সিটি প্রিন্টিং ওয়ার্কস্ হইতে মুদ্রিত।

সংগঠনকারী


(কাজী নজরুল ইসলাম রচিত কাহিনী অবলম্বনে)

চিত্র-নাট্য ও পরিচালনা	...	দেবকী বসু
সুর-শিল্পী	...	রাই বড়াল
চিত্র-শিল্পী	...	ইউসুফ মুলজী
শব্দ-ধর	...	অতুল চ্যাটার্জি
রসায়ানগারিক	...	সুবোধ গাঙ্গুলি
চিত্র-সম্পাদক	...	কালী রাহা
শিল্প-পরিকল্পক	...	তারক বসু
গীতকার	কাজী নজরুল এবং অজয় ভট্টাঃ	

প্রবন্ধক : যতীন মিত্র

সহকারীগণ :

পরিচালনায় : ভোলানাথ মিত্র, অপূর্ব মিত্র, মনোজ ভঞ্জন
এবং জ্যোতি ভট্টাচার্য্য। চিত্র-শিল্পে : সুধীন মজুম-
দার, কেষ্ঠ মুখার্জী। শব্দ-ধারণায় : মনি বোস,
শচিন দে এবং ক্ষেত্র ভট্টাচার্য্য।
ব্যবস্থাপনায় : শ্যাম লাহা এবং
শৈলেন মান্না।



জহর	মনোরঞ্জন	ভট্টাচার্য্য
বিশ্বন	রতীন	বন্দ্যোপাধ্যায়
ঝুমরো	পাহাড়ী	সাত্তাল
চন্দন	কানন	দেবী
ঘণ্টা-বুড়ো	কৃষ্ণচন্দ্র	দে
তেঁতুলে	শ্যাম	লাহা
গুট্টে	অহি	সাত্তাল
ঝণ্টু	সত্য	মুখোপাধ্যায়
মৌটুশী	মেনকা	দেবী
বুড়ো সর্দার	প্রক্ল	মুখোপাধ্যায়
বিশ্বনের সহকারী	নরেশ	বোস

দিল-খোলার দল :

মনি বর্কন, ইন্দ্র বসু,

হরিদাস বন্দ্যোপাধ্যায়, ব্রজবাগী, শরদেব রায়,
 আলাউদ্দীন সরকার, আগা আলী, রোমচাঁদ,
 রতনলাল, ব্রজবল্লভ পাল এবং খগেন পাঠক।



কাহিনী

সত্যজগতের সুসমৃদ্ধ জনপদ হইতে
বহুদূরে, কখনও ঘননীল শৈলমালার
সামুদ্রেশে, ভীষণ নির্জন দুর্গম

অরণ্যের মধ্যে, কখনও বা তরঙ্গ-ফেনিল বঙ্কিম গিরিনদীর তীরে, দিগন্ত
বিস্তীর্ণ প্রান্তরে, যাযাবর সাপুড়ের দল তাহাদের ক্ষণস্থায়ী নীড় রচনা
করে ।

এমনই এক ভবঘুরে সাপুড়েদের ওস্তাদ সে । নাম তাহার জহর ।
দলের সে বিধাতা, একচ্ছত্র অধিপতি । দলের প্রত্যেকটি লোক তাহাকে
ভয় করে যমের মতো, ভক্তি করে দেবতার মতো । শুধু দলের একটিমাত্র
লোক, তাহার এই অপ্রতিহত প্রভুত্ব-গৌরবে ঈর্ষায় জলিয়া পুড়িয়া মরে,
মনে-মনে দারুণ অবজ্ঞা করে জহরকে, কিন্তু প্রকাশে তাহার বিরুদ্ধাচরণ
করিবার সাহসও তাহার হয় না । এই লোকটির নাম বিসুন্ন, তাহারও দুই
একজন অনুচর আছে ।

মনে-মনে সে মৃত্যু কামনা করে জহরের, কখনও-বা কেমন করিয়া
জহরকে চূর্ণ করিয়া একদিন সে সর্দার হইয়া উঠিবে, সেই কল্পনায় চঞ্চল হইয়া
উঠে ।



সেদিন নাগ-পঞ্চমী ।

জহর পাহাড়তলীতে গিয়াছিল বিষধর সর্পের সন্ধানে । তাহার ভুবড়ী বাশীতে, সে বাজাইতেছিল একটানা মোহনিয়া সুর—বাশীর রক্ষে রক্ষে, গমকে গমকে, তীব্র মধুর উন্মাদনা কাঁপিয়া কাঁপিয়া উঠিতেছিল ! সেই সুরে আকৃষ্ট হইয়া বনের ভিতর হইতে, একটি বিষধর কালীয় নাগ ফণা ছুলাইতে ছুলাইতে বাহির হইয়া আসিল । দারুণ উত্তেজনায়, জহরের চোখের তারা দুইটি জলিয়া উঠিল । হঠাৎ হাতের বাশীটা সে দূরে ছুড়িয়া ফেলিয়া দিল এবং সেই কালীয় নাগের উদ্ধত ফণার স্নমুখে তাহার অকম্পিত করতল পাতিয়া ধরিল । মুহূর্ত্তে একটি তীব্র দংশন ! দেখিতে দেখিতে জহরের সর্ঙ্গশরীর সেই সাপের বিষে একেবারে নীল হইয়া গেল । দলের সমস্ত লোক সভয়ে, স্তম্ভিতবিশ্বয়ে জহরকে ঘিরিয়া দাঁড়াইল । জহর কিন্তু নিষ্কম্প, নির্ঝিকার—উদ্বেগের চিহ্নমাত্রও তাহার মুখে ফুটিয়া উঠে নাই । ধীরগন্তীর-

কঠে, সে মন্ত্র উচ্চারণ করিতে লাগিল এবং ধীরে-ধীরে শীঘ্রই অবজয়ী বীরের মতো গগোরবে বিষমুক্ত হইয়া উঠিল। বিমুক্ত, বিম্মিত জনতা, সমস্তরে জয়ধ্বনি করিয়া উঠিল। মুখ কালো করিয়া, বিস্ত্রন ধীরে ধীরে নীরবে সেখান হইতে সরিয়া গেল।

ঠিক এমনই করিয়া আজ পর্য্যন্ত, জহর নিরানকইবার নিজের দেহে সর্পদংশন করাইয়া, অবলীলাক্রমে বিষমুক্ত হইয়াছে। এইবার শততম এবং শেষতম সর্পদংশন! এই সর্কশেষ সর্পের বিষ, মন্ত্রবলে আপন দেহ হইতে টানিয়া বাহির করিতে পারিলেই, তাহার কঠোর ব্রত উদ্‌যাপিত হইবে; সে সর্পমস্ত্রে সিদ্ধকাম হইবে। এই মন্ত্রে সিদ্ধ হওয়াই জহরের জীবনের পরমতম লক্ষ্য, একমাত্র মহাব্রত।

এই সাধনার জন্ত সে কঠোর ব্রহ্মচর্য্য অবলম্বন করিয়াছে। আজীবন চিরকুমার থাকিয়া, নিকামভাবে সংযতচিত্তে ব্রত পালন করিয়া চলিতেছে।



সাপুড়ে

জহরের অগণিত গুণমুগ্ধ শিষ্য, যখন উদ্গ্রীব হইয়া সেই শুভদিনের প্রতীক্ষা করিতেছে, এমন সময় সহসা সেদিন রাত্রে, তাহার জীবনে একটি অভাবনীয় ঘটনার সূত্রপাত হইল। পরিণামে এই ব্যাপারটি যে তাহার সাধনার ভিত্তিমূলকে প্রবলভাবে নাড়া দিয়া যাইবে, তাহা কি সে স্বপ্নেও ভাবিতে পারিয়াছিল ?

ভবঘুরের মতো জহর তখন নানা দেশ-বিদেশ ঘুরিয়া বেড়াইতেছে। নারীজাতির সংস্পর্শ হইতে দূরে থাকিয়া থাকিয়া ক্রমশ জহরের মনে এই ধারণা বদ্ধমূল হইয়া গিয়াছে যে, নারীজাতি সাধনার পথে সাংঘাতিক বিঘ্ন সৃষ্টি করিয়া থাকে। ক্রমে নারীজাতির সম্বন্ধে অন্তরে সে বিজাতীয় বিতৃষ্ণা পোষণ করিতে শুরু করিয়াছে।

এমন সময় হঠাৎ একদিন সে দেখিল, ক্ষীণশ্রোতা একটি নদীর জলে কলার ভেলার উপরে, পরমাসুন্দরী এক বালিকার মৃতদেহ ভাসিয়া চলিয়াছে। সর্পদংশনে যাহাদের মৃত্যু হয়, তাহাদের নাকি দাহ করিতে নাই। শ্রোতের জলে মৃতদেহ ভাসাইয়া দেওয়াই নাকি বহুকালের প্রচলিত প্রথা। জহর কি আর করে, সাপুড়ে জাতির স্বধর্ম রক্ষা করিতে গিয়া, সে নদীর জল হইতে মৃত বালিকার দেহ তুলিয়া লইয়া, মন্ত্রবলে তাহাকে পুনর্জীবিতা করিল।





জীবন দান করিল বটে কিন্তু, এই বালিকাটিকে লইয়া সে কি করিবে ? কে যে তাহার আত্মীয়, কে তাহার স্বজন—কিছুই সে বলিতে পারে না। বিষের প্রকোপে তাহার স্মৃতিশক্তি বিলুপ্ত হইয়া গিয়াছে।

জহর বড় বিপদে পড়িল। বেচারী নিরীহ, নিরাশ্রয়া মেয়েটি, নিক্রপায়ের মতো করুণ কাতর দৃষ্টি মেলিয়া জহরের দিকে তাকাইয়া থাকে। জহর তাহাকে ফেলিয়া যাইতে পারে না, কেমন যেন দয়া হর মেয়েটির উপর। দারুণ ঘৃণা ধীরে ধীরে মধুর মমতায় রূপান্তরিত হইয়া আসে। সে-ই শেষে আশ্রয় দিয়া ফেলিল এই মেয়েটিকে—অদৃষ্টের নির্ভুর পরিহাস ছাড়া আর কি হইতে পারে! জহর তাহার সংস্কারবশে, বালিকার নারীবেশ একেবারেই সহ করিতে পারিল না। সে স্থির করিল, ইহাকে সে পুরুষের বেশে সাজাইয়া পুরুষের মতো মানুষ করিবে। সে তাহাকে একরকম উগ্র

সাপুড়ে

ঔষধ পান করাইল, যাহাতে এই ঔষধের গুণে, তাহার মধ্যে নারী-শূলভ কোনো চেতনা জাগ্রত না হয়।

জহর তাহার নাম রাখিল চন্দন—পুরুষের নাম। কিশোরবেশী চন্দনকে সঙ্গে লইয়া জহর এইবার অল্প এক সাপুড়ের দলে যোগদান করিল। সেই দলের বৃদ্ধ সর্দার, জহরের আশ্চর্য্য চরিত্রবল দেখিয়া এত বেশী মুগ্ধ হইল যে তাহার মৃত্যুর পূর্বে জহরকে সে সেই দলের সর্দার করিয়া দিয়া গেল। ক্রমে জহর এই অর্দ্ধসত্য ভবন্বরে সাপুড়ের দলের একচ্ছত্র অধিপতি হইয়া উঠিল।

চন্দন যে বালক নয়, দলের কেহই সে কথা জানে না। জহরের এক প্রিয়তম শিষ্য কুমরো, তাহার একমাত্র প্রিয় সহচর। চন্দনকে কুমরো বড় ভালবাসে।


এই ব্রহ্মচর্য্য-ব্রতধারী জহর, নিরানন্দইটি বিষধর সর্পদংশনের কঠোর পরীক্ষায় সগৌরবে উত্তীর্ণ হইয়া যখন তাহার সাধনার প্রাস্তসীমায় আসিয়া উপনীত হইয়াছে, তখন সহসা এক সচকিত মুহূর্ত্তে শিহরিয়া উঠিয়া সে





অনুভব করিল যে, তাহার সংযম-সাধনার উত্তম শিখর হইতে বোধকরি তাহার পদস্থলন হইতে বসিয়াছে।

সেদিন রাত্রে শয়ন করিতে যাইবার পূর্বে অকস্মাৎ এক তীব্র মধুর বেদনার মতো চন্দনের রমণীয় স্নকুমার রূপ-মাধুরী, তাহার বুকের মধ্যে আসিয়া বিধিল এবং ক্ষণিকের জন্ম তাহাকে উন্মাদ অস্থির করিয়া তুলিল। প্রাণপণ চিন্তাসংযমের দ্বারা কিছুক্ষণের মধ্যেই সে তাহার এই সাময়িক মোহকে অতিক্রম করিল। উন্মাদের মতো ছুটিয়া গিয়া সে তাহাদের অধিষ্ঠাত্রী দেবী মা মনসার পদপ্রান্তে বসিয়া সমস্ত রাত্রি ধরিয়া বিনিদ্র চক্ষে এই অপরিসীম আত্মমানির জন্ম অনুতাপে অশ্রুমোচন করিতে লাগিল। দেবী প্রতিমার কাছে ক্ষতবিক্ষত অন্তরের সর্বকরণ প্রার্থনা জানাইয়া, সে প্রায়শ্চিত্ত করিল।



কিন্তু যে সুপ্ত কাননার আগুন একবার জ্বলিয়াছে, এত সহজে কিছুতেই সে যেন নির্ঝাপিত হইতে চাহিল না। ঠিক সেইদিনই খবর পাওয়া গেল, রাজার সিপাহীরা গাপুড়ীদের উপর বিষম অত্যাচার শুরু করিয়াছে, কারণ দেশে নাকি ভয়ানক ছেলেচুরি হইতেছে। সকলের ধারণা গাপুড়েরাই এই কার্য করিতেছে।

এই খবর পাইবামাত্র, জহর সদলবলে তাহাদের ডেরা তুলিয়া, বহু পথ অতিক্রম করিয়া, অবশেষে বিজন, ভীষণ, স্বাপদসঙ্কুল এক অরণ্যের মাঝখানে তাহাদের তাঁবু ফেলিল। বহু, হিংস্র জন্তু জানোয়ারের আক্রমণ প্রতিরোধ করিবার জন্ত তাঁবুর চারিদিকে আগুন জালিয়া অনেকেই তখন প্রচুর শক্তি করিতেছে। এই বিরাট আমোদের মঞ্জলিগ জমাইয়া

তুলিয়াছে, দিল খোলার দল ।
 তাহাদের নৃত্যগীতোৎসব তখন উদ্দাম
 হইয়া উঠিয়াছে । জহর ঝুমরো, চন্দন,
 বিসুন, বিসুনের পুত্র তেঁতুলে,
 নীলচশমাধারী দলের যাহুকর গণক-
 ঠাকুর ঘণ্টাবুড়ো, সকলেই জ্যোৎস্না-
 লোকিত রাতে, মুগ্ধ আনন্দে এই
 অপূর্ণ উৎসব উপভোগ করিতেছে ।

এমন সময় কি যেন একটা তুচ্ছ
 কারণে, বিসুনের পুত্র তেঁতুলের সঙ্গে
 ঝুমরোর ভীষণ কলহ বাধিয়া গেল ।
 কলহ প্রথমে মুখে-মুখেই চলিতেছিল,
 তাহারপর হইল হাতাহাতি, তাহার-
 পর ক্রমে মারামারি । চন্দন ছিল দূরে
 দাঁড়াইয়া । তেঁতুলে অকথ্য অপমান
 করিবে ঝুমরোকে—এ তাহার
 অসহ । সেও ছুটিয়া আসিয়া
 ঝাঁপাইয়া পড়িল, ইহাদের মাঝ-
 খানে । কিন্তু টানাটানি ধ্বস্তা-
 ধ্বস্তিতে হঠাৎ যেই মহর্ষের
 জ্ঞান তাহার
 বক্ষাবরণ





ছিন্ন হইয়া গেল, দলের সবলে
বিশ্বয়ে হতবাক্ হইয়া দেখিল—

চন্দন পুরুষ নয়—পুরুষের ছদ্মবেশে পরমাসুন্দরী এক তরুণী।

এই সময় কোথা হইতে ছুটিতে ছুটিতে আর একটি সুন্দরী তরুণী ঘটনা-স্থলে আসিয়া দাঁড়াইল। তাহার নাম মোটুশী। সে নিজের উত্তরীয়টি তাড়াতাড়ি খুলিয়া চন্দনের গায়ে জড়াইয়া দিল। কিশোর চন্দনকে, সে কুমারী-হৃদয়ের নীরব প্রেমের পূজাঞ্জলি নিবেদন করিয়াছিল—আজ যখন দেখিল, চন্দন তাহারই মত এক তরুণী, তখন তাহার লজ্জাক্রম প্রণয়-স্বপ্নের প্রাসাদ একেবারে ভাঙিয়া গেল। যে গভীর উদার প্রেম তাহার হৃদয়ে এতদিন ধরিয়া সঞ্চিত হইয়া উঠিয়াছিল, তাহা মধুর সখিত্বে রূপান্তরিত হইয়া উঠিল। জ্বর আসিয়া, লজ্জাবনতমুখী চন্দনকে টানিয়া, একেবারে তাহার ঠাবুর ভিতরে লইয়া গেল। দলের সমস্ত লোক একেবারে অবাক। কেহ স্বপ্নেও কোন দিন কল্পনা করিতে পারে নাই—জ্বরের মত একজন জ্বিতেন্দ্রিয় ব্রহ্মচারী মন্ত্র-সাধক, এমন করিয়া এই সুন্দরী যুবতীটিকে যুবক সাজাইয়া নিজের সঙ্গে রাখিয়াছে।

শুধু বিস্মিত হইল না একজন—সে ঘণ্টাবুড়ো। এই বেদিয়ার দলে সে একটা অদ্ভুত প্রকৃতির রহস্যময় মায়াবীর রূপে বাস করে। অনবরত মগ্ধপান করে, আর খড়ি পাতিয়া সকলের ভবিষ্যৎ গণনা করে, কিন্তু সব কথা কখনো পরিষ্কার করিয়া বলে না।

এই ব্যাপারে ঘণ্টাবুড়ো, পরম-বিজ্ঞের মতো মাথা নাড়িয়া, সহসা এক অদ্ভুত ক্রুর অট্টহাসি হাসিয়া উঠিল।

এদিকে নিভৃতে, তাঁবুর এককোণে, থরথর করিয়া কাঁপিতে কাঁপিতে জ্বর ভীতা হরিণীর মতো চন্দনকে সবলে আকর্ষণ করিয়া বলিতেছে, "চন্দন, চন্দন, তুই আমার—একমাত্র আমার!"

তাহার এতদিনকার রুদ্ধ আত্মসংযমের বাধ ভাঙিয়া পড়িয়াছে— ছকুলপ্লাবী বন্যার মতো সেই উন্মত্ত আবেগ, সেই দুর্দমনীয় দুর্সার বাসনা তাহাকে যেন অন্ধ করিয়া ফেলিয়াছে।

চন্দন বুথাই নিজেকে প্রাণপণে তাহার আলিঙ্গন হইতে মুক্ত করিবার চেষ্টা করিতে লাগিল।

অনেক চেষ্টার পর চন্দন কিছুতেই যখন আর জ্বরকে প্রতিনিবৃত্ত করিতে পারিল না, তখন সে তাহার সুপ্ত বিবেককে জাগ্রত করিবার জন্ত মিনতি কাতরকণ্ঠে জ্বরকে স্মরণ করাইয়া দিল—তাহার মহাব্রতের কথা, তাহার জীবনের একমাত্র কাম্য, নাগ-মন্ত্রসাধনায় সিদ্ধিলাভের কথা।





কথাগুলি জহরের বুকে গিয়া নিশ্চয় মহাসত্যের মতো ধব্ধু করিয়া বাজিল। সত্যই ত'! এ কি করিতেছে সে! জহর যেন অকস্মাৎ তাহার সম্মুখে ফিরিয়া পাইল। মনসা-দেবীর প্রতিমার পানে সে এক অদ্ভুত দৃষ্টিতে একবার তাকাইল, তাহার পর কিসের যেন একটা অব্যক্ত মর্শ্বযন্ত্রণায় কাতর হইয়া, তাঁবু হইতে ছুটিয়া বাহির হইয়া গেল। আজই—এই রাত্রেই সে তাহার শততম সর্পদংশন পরীক্ষায় উত্তীর্ণ হইয়া, জীবনের মহাব্রত উদ্‌যাপন করিবে। আর বিলম্ব নয়।

বিষধর একটি সর্পের সন্ধান করিয়া, জহর যেমনই তাহার কৰ্ম্ম সিদ্ধ করিতে যাইবে, অমনিই বিষ্ণু কোথা হইতে ছুটিতে ছুটিতে আসিয়া সংবাদ দিল—চন্দনকে লইয়া ঝুমরো পলায়ন করিয়াছে। মোটুশীর আগ্রহ এবং সাহায্যেই নাকি তাহারা এই ছুঃসাহসের কাজ করিয়াছে।

জহরের ব্রত আর সাঙ্গ করা হইল না। যে কঠোর সংযমের বন্ধনে নিজেকে সে পুনর্বার পাথরের মতো শুষ্ক নির্ঝিকার করিয়া তুলিয়াছিল, বিষ্ণুনের এই মর্শ্বাস্তিক সংবাদে প্রথর শ্রোতের মুখে বালির বাধের মতো সে সংযম কোথায় ভাসিয়া গেল। ক্রোধে, উন্মাদের মতো অধীর হইয়া, জহর ছুটিয়া চলিল চন্দন-ঝুমরোর সন্ধানে। কিন্তু দলের কেহই তাহাকে



তাহাদের সন্ধান দিতে পারিল না, তীব্র উত্তেজনায় সর্বশরীরে তখন তাহার যেন আগুন ধরিয়া গেছে।

উন্মত্তের মতো তাঁবুতে প্রবেশ করিয়া, সে কাঁপি খুলিয়া বাহির করিল,— বিষধর কালীয়নাগ! সেই ভীষণ কালীয়নাগকে লইয়া, সে ছুটিয়া আসিল মহাকাল-মন্দিরে—তাহার পর সেই কালীয়নাগকে মন্ত্রপূত করিয়া ঝুমরোর উদ্দেশে ছাড়িয়া দিল।

ঝুমরো ও চন্দন তখন গভীর আনন্দে রোমাঙ্কিত হইয়া, গান গাহিতে গাহিতে নিরুদ্ধেশের পথে চলিয়াছে। দূরে, বহুদূরে চলিয়া গিয়া, তাহারা হুজনে একটি মধুর স্বপ্নের নীড় রচনা করিয়া, পরমানন্দে প্রেম-মধুযামিনী খাপন করিবে অনন্তকাল ধরিয়া—মুদিত বিহ্বল চক্ষুর সশ্মুখে তখন তাহাদের এই স্বপ্ন-স্বপ্নের মোহন মেঘের ছায়া ঘনাইয়া আসিতেছে।

অপূর্ব আনন্দে বিভোর হইয়া, যখন তাহারা একেবারে আত্মহারা হইয়া গেছে, তখন সহসা বিনামেঘে বজ্রপাতের মতো সেই মন্ত্রপূত কালীয়নাগ আসিয়া ঝুমরোকে দংশন করিয়া দিয়া, অদৃশ হইয়া গেল। বিষের বিষম যন্ত্রণায় অস্থির হইয়া, ঝুমরো সেখানে বসিয়া পড়িল।



চন্দন একেবারে স্তম্ভিত
নির্ঝাক! নিঃসহায়, নিরুপায়ের

মতো সে দাঁড়াইয়া রছিল। কুমরোকে বাঁচাইতে হইলে, এখন তাহার
আবার সেই জহরের কাছে গিয়া দাঁড়ানো ছাড়া আর উপায় নাই।

অবিরল অশ্রুধারে চন্দন চোখে দেখিতে পাইতেছে না—সে চলিয়াছে
সেই পরিত্যক্ত তাঁবুর দিকে। কিন্তু কেমন করিয়া কোন্ মুখে সে আবার
জহরের কাছে গিয়া দাঁড়াইবে?

জহর তখন নিশ্চল প্রস্তুতের মতো বসিয়া আছে। অশ্রুমুখী চন্দন
আসিয়া দাঁড়াইল তাহার কাছে। ম্লানমুখে মৃদুকম্পিতকণ্ঠে সে কহিল,
কুমরো তাহার প্রাণাপেক্ষা প্রিয়। তাহাকে যদি সে বাঁচাইয়া দেয় তাহা
হইলে কুমরোর প্রাণের বিনিময়ে সে জহরের কাছে আত্মবিক্রয় করিতেও
প্রস্তুত। জহর একটি কথাও বলিল না। স্বপ্নাচ্ছন্নের মতো সে চলিল
চন্দনের পিছু পিছু। নীরবে সে গিয়া দাঁড়াইল কুমরোর বিযাক্ত নীলবর্ণ
মৃতদেহের পাশে।

কুমরো বাঁচিয়া উঠিল।

চন্দনের আনন্দের অবশি নাই। কিন্তু চন্দনের সময় নাই, সে
প্রতিজ্ঞাবদ্ধ—কুমরোর প্রাণের বিনিময়ে সে আত্মবিক্রয় করিয়াছে জহরের
কাছে। এখন সে জহরের। কুমরোকে সে উত্তেজিত বরণ, ভগ্নকণ্ঠে
বলে, “তুই দূরে চলে যা কুমরো, আমার চোখের স্মৃখে থাকিস্ নে—
আমি তোঁর নই”।

যে তাহার প্রাণাধিক প্রিয়, একান্ত আপন, জীবন-সর্কস্ব, তাহাকে সে

চায় না। চন্দনের উদ্গত অশ্রু আর বাধা মানে না। কণ্ঠরোধ হইয়া আসে। অব্যক্ত যন্ত্রণায় হৃদপিণ্ড যেন ছিড়িয়া যায়, তাহাকে তাড়াইয়া দিতে।

অদূরে দাঁড়াইয়া, জহর এই করুণ দৃশ্য দেখিতেছিল। যে কালীয়নাগ মন্ত্রবলে ফিরিয়া আসিয়া কুমরোকে বিষমুক্ত করিয়াছে, সে তখনও তাহার হাতে।

জহর একবার অদ্ভুত দৃষ্টিতে চন্দনের দিকে তাকাইল, একবার তাকাইল কুমরোর দিকে—একবার মনে-মনে কি যেন ভাবিল।

অকস্মাৎ সে নির্ঝিকার ভাবে সেই কালীয়নাগের দংশন নিজের বুক পাতিয়া গ্রহণ করিল।

কুমরো চীৎকার করিয়া কহিল, “ওস্তাদ কি করলি!”

চন্দন ও কুমরো দুজনেই ছুটিয়া জহরের কাছে গেল। জহর ক্রুদ্ধকণ্ঠে বলিয়া উঠিল, “কুমরো শীগ্গীর একে নিয়ে চলে যা আমার স্মৃথ থেকে—আমি বিষ হজম করবো, এই আমার শেষ সাপ—তারপর আমি মন্ত্র পড়বো। মেয়েমানুষের সামনে মন্ত্র নষ্ট হয়। ওকে এখান থেকে নিয়ে যা—এ জঙ্গল থেকে, এ দেশ থেকে নিয়ে যা”।

চন্দন আর কুমরো অগত্যা চলিয়া গেল। ওস্তাদ দেখিল তাহারা দূরে চলিয়া গেছে, কিন্তু নাগমন্ত্র আর সে উচ্চারণ করিল না। শ্বিতহাস্তে আপন মনে সে বলিয়া উঠিল, “মন্ত্র, ও সাপের মন্ত্র আর নয়—এইবার আমার মন্ত্র—“শিব-শস্তু—শিব-শস্তু”!

কালীয়নাগের বিধে তাহার সর্কশরীর ক্রমশঃ নীল হইয়া আসিতে লাগিল, চোখ দুইটি স্তিমিত নিস্তেজ হইয়া গেল; কিন্তু তাহার সমস্ত মুখের উপরে মনে হইল, কিসের যেন এক অপার্থিব আনন্দের ভাস্কর দীপ্তি প্রতিফলিত হইয়াছে, তাহার বিস্কৃত আত্মার সমস্ত বিস্ফোভ যেন শাস্ত হইয়া গিয়াছে, জীবনব্যাপী মর্ষযন্ত্রণার যেন অবসান হইয়াছে।

সর্কশেব সর্পের শ্রেষ্ঠ মন্ত্র-সাধনায় পরিণামে সে সিদ্ধকাম হইল কি?

সঙ্গীতাংশ



—এক—

হলুদ-গীদার ফুল, রাঙা পলাশ ফুল,
এনে দে, এনে দে, নৈলে রাধব না বাধব, না চুল,
কুসুমী রং শাড়ী চুড়ি বেলোয়ারি

কিনে দে হাট থেকে,
এনে দে মাঠ থেকে
বাবলা ফুল, আমের মুকুল।
নৈলে রাধব না, বাধব না চুল ॥

কুসুম পাহাড়ে, শাল-বনের ধারে
বসবে মেলা আজি বিকেল বেলায়।
দলে দলে পথে চলে সকাল হ'তে

বেদে-বেদেনী নুপুর বেঁধে পায়।
যেতে দে ঐ পথে বাঁশী শুনে শুনে পরাণ বাউল ॥
নৈলে রাধব না বাধব না চুল ॥

—কোরাস

সাপুড়ে

নাচ, নাচ, নাচ—বেদের নাচ ? সাপের নাচ ?

সোলেমাণী পাথর নেবে ? রঙ্গীন কাঁচ ?

—কোরাস্

দেখি লো তোঁর হাত দেখি ।

হাতে হলুদ-গন্ধ, এলি রাঁধতে রাঁধতে কি ?

মনের মতন বর পেলে, নয় কথা ছয় ছেলে ।

চিকন আঙ্গুল দীঘল হাত, দালান-বাড়ী ঘরে ভাত,

হাতে কাঁকল পায়ে বৈকী ।


ও বাবা ! এ কোন ছুঁড়ি ? সাত ননদ তিন স্বাস্ত্রী ।

ডুবে ডুবে খাচ্ছ জল, কার সাথে তোঁর পিরীত বল ।

চোখের জলে পারবি তাঁরে বাঁধতে কি ?

দেখি লো তোঁর হাত দেখি ।

—কৃষ্ণচন্দ্র দে





—সাত—

আমার এই পাত্রখানি
ভরে না সুধায় জানি,
আমি তাই বিষের পিয়াসী ।
চেয়েছি টাদের আলো,
পেয়েছি আঁধার কালো,
মনে হয় এইতো ভাল,
ভাল এই কাঁটার জ্বালা ।
চাহিনা ফুলের মালা—ফুলের হাসি
আমি তাই বিষের পিয়াসী ॥ *

—কৃষ্ণচন্দ্র দে



